

# ÅRSMELDING 2017 FOR SUNNMØRE KONTROLLUTVÅLSEKRETARIAT IKS

## Verksemda

Selskapet driv sekretariatsarbeid for kontrollutvala i eigarkommunane med heimel i kommunelova og forskrift om kontrollutval. Sunnmøre kontrollutvalsekretariat IKS er eigd av kommunane: Giske, Haram, Midsund, Norddal, Sandøy, Skodje, Stordal, Stranda, Sula, Sykkylven, Ørskog og Ålesund.

Selskapet har kontor i Ålesund, men legg vekt på å møte kundar og eigarar ute i kommunane noko som medfører reiser. Året 2017 har vore prega av endring i selskapets daglege leielse. Dette har ført til redusert kapasitet, sjølv om selskapet har levert tenester innen saksførebuing og møteverksemd, uttalar til kommunane sine årsrekneskap, bestilling av forvaltningsrevisjonar og selskapskontroll, samt førebu behandlinga av forvaltningsrevisjonar og selskapskontroll i kontrollutvala. Kontrollutvalsekretariatet lagar også eigne kontrollrapportar som ligg utanfor revisjonsmandatet og som dermed ikkje er definert som revisjon.

Harald Rogne fratrådte formelt som leiar av sekretariatet i august. Opphavelag tilsetjingstilbod til ny dagleg leiar måtte gå ut på grunn av sjukdom. Tilhodet gjekk så til nr. 2 på lista, Bjørn Tømmerdal, som først kunne gå inn i stillinga frå 1. desember. I perioden frå 14. august og fram til denne datoen har Harald Rogne vore engasjert i om lag 50 % stilling som dagleg leiar.

Kontrollutvala har blitt stadig meir førespurt om å avklare, undersøke og vurdere problemstillingar både frå enkeltpersonar og kommunestyra i den enkelte kommune. Sekretariatet får dermed også ei oppgåve i å avgrense kontrollutvala sitt arbeid som tilsynsorgan og oppgåvene har stadig blitt meir komplekse og tidkrevjande. Selskapet ønskjer so langt som mulig å etterkomme slike bestillingar.

I 2017 har representantskapet avhaldne 2 møte, styret hatt 10 møte og behandla 37 saker. Selskapet har medverka til å avvikle 38 kontrollutvalmøte og å behandle 200 saker.

## Framleis drift

Årets resultat gir etter styret si vurdering eit rettvisande bilde av selskapet si økonomiske stilling 31. desember 2017 og for resultatet i rekneskapsåret i samsvar med god rekneskapskikk i Noreg. Årsresultatet for 2017 er på 94.707,- Økonomien i selskapet er god. Selskapet si drift skal vere basert på sjølvkost og vere sikra gjennom selskapsavtalen. Størrelsen på det akkumulerte overskotet må vurderast i forhold til dette. Styret meiner derfor at det er rett å legge fortsatt drift av selskapet til grunn ved avlegging av årsrekneskapen.

## Arbeidsmiljø/ytre miljø, likestilling

Selskapet har hatt 1,1 stilling gjennom deler av 2017. I tillegg har det blitt kjøpt tenester frå andre slik som budsjettet opnar for. I styret er både kvinner og menn representert. Selskapet sin aktivitet forureinar ikkje det ytre miljøet. Det har i 2017 ikkje vore sjukefråvær.

## Andre forhold

Styret kjenner ikkje til forhold etter rekneskapsåret sin utgang som har betydning for stillinga og resultatet i selskapet.

Ålesund, 02.02.2018



Inge Gjarde  
styreleiar



Terri-Ann Senior  
nestleiar



Dag Oksnes  
styremedlem



Bjørn Tømmerdal  
dagleg leiar